

CUMÜN DA SCUOL



Ledscha dal persunal

REGISTER

	Artichel
I. Rom d'applicaziun	
Oget	1
Dret subsidiar	2
Definiziuns	3
II. Relaziun da servezzan	
Basa	4
Prevenziun professiunala	5
III. Cumpetenzas	
Elezziuns	6
Classificaziun	7
Decisiuns davart il persunal	8
Disposiziuns disciplinaras	9
Relaschar ulteriuras disposiziuns	10
IV. Disposiziuns finalas	
Aboliziun dal dret actual	11
Entrada in vigur	12

Per personas, funcziuns e mansters vain dovrada per princip la fuorma masculina. Ella as referischa adüna a tuots duos geners.

I. Rom d'applicaziun

Art. 1 Oget

- 1 Quista ledscha regla – in basa a l'art. 57 al. 2 da la constituziun cumünala – las relaziuns da servezzan dal persunal dal cumün politic da Scuol, tant inavant chi divergeschan da la legislaziun chantunala correspondententa.

Art. 2 Dret subsidiar

- 1 Per tuot ils fats na reglats in quista ledscha vala analog la *Lescha davart la relaziun da lavur da las collavuraturas e dals collavuratur dal chantun Grischun (lescha dal persunal LP)*¹⁾ respectivmaing la *Lescha davart las scolas popularas dal chantun Grischun (lescha da scoula)*²⁾ cun tuot las disposiziuns executivas correspondentas.

¹⁾ nr. 170.400 dal cudesch da dret grischun

²⁾ nr. 421.000 dal cudesch da dret grischun

- 2 Excepziun: ils artichels 61 e 62 da la ledscha chantunala dal persunal (chi prescrivan üna cumischiun dal persunal e reglan las incumbenzas, la cumposiziun e l'elecziun da quella) nu valan pel cumün da Scuol.
- 3 Per tuot ils fats na reglats ne in quista ledscha ne illa legislaziun chantunala correspondententa vala il Dret d'obligaziuns svizzer (DO).

Art. 3 Definiziuns

- 1 In quista ledscha vegnan utilisats ils seguaints terms:
 - magistraglia: persunas d'instrucziun da la scoula populara e da la scoulina
 - impiegats: ulteriur persunal cumünal
 - persunal: persunas d'instrucziun e l'ulteriur persunal cumünal insembel

II. Relaziun da servezzan

Art. 4 Basa

- 1 La basa generala per la relaziun da servezzan tanter il cumün da Scuol e'l persunal es il dret public. I valan particularmaing las disposiziuns relativas da la ledscha chantunala dal persunal resp. da la ledscha chantunala da scoula.

Art. 5 Prevenziun professiunala

- 1 Il persunal cumünal es sgürà pro la chascha da pensiun dal cumün, quai tenor la ledscha federala davart la prevenziun professiunala (LPP). La chascha da pensiun es obligatoria per tuot il persunal.
- 2 Las contribuziuns a la chascha da pensiun vegnan repartidas tanter ils collavuratuors ed il cumün mez per ün.

III. Cumpetenzas

Art. 6 Elecziuns

- 1 Ils impiegats dal cumün vegnan elets da la direcziun cumünala. Per la magistraglia es il gremi d'elecziun il cussagl da scoula, pels commembers da la direcziun la suprastanza cumünala.

Art. 7 Classificaziun

- 1 Ils impiegats vegnan classificats da la direcziun cumünala, ils commembers da la direcziun da la suprastanza cumünala. La basa per la classificaziun es la s-chala da salaris da la ledscha chantunala dal persunal.

- 2 La magistraglia vain classificada tenor la legislaziun chantunala da scoula.

Art. 8 Decisiuns davart il persunal

- 1 La suprastanza cumünala es l'organ autorisà per tuot las decisiuns a regard il persunal chi nu sun regladas ne aint in quista ledscha ne aint illa legislaziun chantunala correspudenta.

Art. 9 Disposiziuns disciplinas

- 1 Per quai chi riguarda las disposiziuns disciplinas vala la ledscha chantunala dal persunal cun tuot las disposiziuns executivas relativas.
- 2 L'autorità chi tscherna il persunal ha eir la funcziun d'istanza disciplinara.

Art. 10 Relaschar ulteriuras disposiziuns

- 1 La suprastanza cumünala es autorisada da relaschar ulteriuras disposiziuns a regard il persunal.

IV. Disposiziuns finalas

Art. 11 Aboliziun dal dret actual

- 1 Subit cha quista ledscha aintra in vigur sun abolidas tuot las disposiziuns dad oters decrets legals chi tilla cuntradischan.

Art. 12 Entrada in vigur

- 1 Quista ledscha aintra in vigur, davo cha la cumünanza d'urna tilla ha approvada, pels 1. schner 2016.

La cumünanza d'urna ha approvà quista ledscha als 29 november 2015.

IN NOM DA LA SUPRASTANZA CUMÜNALA

Il capo:

Il chanzlist:

Christian Fanzun

Andri Florineth